



Broj: 1-24/19

Datum: 18.11.2019. godine

Školski odbor JU OŠ „9. maj“ Pazarić, Sarajevo na osnovu člana 100. Zakona o javnim nabavkama BiH („Službeni glasnik BiH“, broj 39/14.), člana 100. Pravila JU OŠ „9. maj!“ Pazarić, Sarajevo, razmatrajući žalbu ponuđača Hifa-Petrol d.o.o. Sarajevo od 13.11.2019. godine, koga zastupa Amel Širovina, ovlašteni punomoćnik iz Vogošće, izjavljenu na dio Odluke o izboru najpovoljnijeg ponuđača, broj: 1050/19 od 08.11.2019. godine, koji se odnosi na nabavku lož ulja (lot-1), donosi:

## O D L U K U

### I

**USVAJA SE** žalba ponuđača Hifa-Petrol d.o.o. Sarajevo na dio Odluke o izboru najpovoljnijeg ponuđača, broj: 1050/19 od 08.11.2019. godine, koji se odnosi na nabavku lož ulja (lot-1) i nalaže Komisiji ponovno ocjenjivanje ponuda.

### II

Stavlja se van snage dio Odluke o izboru najpovoljnijeg ponuđača, broj: 1050/19 od 08.11.2019. godine, dio Obavještenja ponuđačima o rezultatu postupka javne nabavke, broj: 1051/19 od 08.11.2019. godine i dio Zapisnika o pregledu i ocjeni ponuda, a koji se odnose na nabavku lož ulja (lot-1), broj: 10-7/19 od 07.11.2019. godine.

### III

Dio Odluke o izboru najpovoljnijeg ponuđača, broj: 1050/19 od 08.11.2019. godine, dio Obavještenja ponuđačima o rezultatu postupka javne nabavke, broj: 1051/19 od 08.11.2019. godine i dio Zapisnika o pregledu i ocjeni ponuda, broj: 10-7/19 od 07.11.2019. godine, koji se odnosi na nabavku peleta (lot-2), ostaje i dalje na snazi.

### IV

Ova Odluka stupa na snagu danom donošenja i dostavit će se svim ponuđačima koji su učestvovali u predmetnom postupku javne nabavke, te će biti objavljena na web stranici JU OŠ "9. maj" Pazarić, Sarajevo [www.os9majpa.edu.ba](http://www.os9majpa.edu.ba), istovremeno sa upućivanjem ponuđačima.


## O b r a z l o ž e n j e

JU OŠ „9. maj“ Pazarić, Sarajevo je pokrenula postupak javne nabavke lož ulja i peleta po Odluci o pokretanju postupka nabavke predmetnih roba (konkurentski zahtjev za dostavu ponuda), broj: 1-20/19 od 26.09.2019. godine.

Obavještenje o nabavci objavljeno je na Portalu javnih nabavki dana 25.10.2019. godine pod brojem: 590-7-1-6-3-1/19 od 25.10.2019. godine.

Na osnovu uvida u razpoloživu dokumentaciju, Komisija za nabavke je konstatovala da su ponude po ovom predmetu podnijeli slijedeći ponuđači:

1. Hifa.petrol d.o.o. Sarajevo (lot-1 i lot-2) i
2. Holdina d.o.o. Sarajevo



U skladu s utvrđenom procedurom, na osnovu Zapisnika o pregledu i ocjeni ponuda, broj: 10-7/19 od 07.11.2019. godine i preporuke Komisije, ponuđač Holdina d.o.o. Sarajevo je odabran kao najpovoljniji ponuđač za nabavku lož ulja (lot-1), ponuđač Hifa-Petrol d.o.o. Sarajevo za nabavku peleta (lot-2), uz primjenu kriterija **najniža cijena**.

Slijedom navedenog, od strane Ugovornog organa je donesena Odluka o izboru najpovoljnijeg ponuđača, broj: 1050/19 od 08.11.2019. godine, koja je uz obavještenje ponuđačima o rezultatima postupka javne nabavke i zapisnik o pregledu i ocjeni ponuda, dostavljena svim ponuđačima koji su učestvovali u ovom postupku.

Na osnovu donesene Odluke o izboru najpovoljnijeg ponuđača, u propisanom roku, Hifa-Petrol d.o.o. Sarajevo je dana 08.11.2019- godine zatražio da izvrši uvid u ponudu Holdina d.o.o. Sarajevo, što mu je saglasno članu 11. stav 5. Zakona i članu 4. Zakona o slobodi pristupa informaciji omogućeno.

Uvid u dokumentaciju izvršen je od strane predstavnika navedenog ponuđača dana 12.11.2019. godine u poslovnim prostorijama JU OŠ „9. maj“ Pazarić, Sarajevo pod nadzorom službenih osoba škole nadležnih za provođenje ovog postupka nabavke.

Navedeni ponuđač je nakon obavljenog uvida u dokumentaciju, 13.11.2019. godine, izjavio žalbu na dio Odluke o izboru najpovoljnijeg ponuđača, koja se odnosi na nabavku lož ulja (lot-1), broj: 1050/19 od 08.11.2019. godine i na dio Obavijesti ponuđačima o rezultatima postupka javne nabavke (lot-1), broj: 1051/19 od 08.11.2019. godine, u kojoj je naveo da ponuđač Holdina d.o.o. Sarajevo nije u svojoj ponudi dostavio izjavu da će ponuđeni rabat biti nepromjenjiv za cijeli period trajanja okvirnog sporazuma/ugovora, kako je zahtjevano tačkom 9. u napomeni u Obrascu za cijene ponude tenderske dokumentacije, odnosno „Ukoliko ponuđač ponudi rabat na cijenu u procentima (%), uz ponudu mora dostaviti izjavu kojom se obavezuje da će isti biti nepromjenjiv za cijeli period trajanja ugovora“.

Razmatrajući po žalbi ponuđača Hifa-Petrol d.o.o. Sarajevo, nakon što je utvrđeno da je blagovremena, dopuštena i izjavljena od strane ovlaštene osobe, od strane Ugovornog organa izvršena je provjera navoda žalitelja u dijelu koji se odnosi na ponuđene cijene (lot-1), kako bi se utvrdilo da li su isti osnovani. Tokom provođenja tog postupka ustanovljeno je da je žalba upućena od strane imenovanog ponuđača osnovana, s obzirom da izabrani ponuđač nije dostavio izjavu da će rabat na cijenu ponuđen u procentima (%) biti nepromjenjiv za cijeli period trajanja okvirnog sporazuma/ugovora, kako je traženo tenderskom dokumentacijom.


Slijedom navedenog, Ugovorni organ je ustanovio propust prilikom ocjenjivanja ponuda, te shodno tome odlučio da **uvaži žalbu Hifa-Petrol d.o.o. Sarajevo i stavi van snage dio Odluke o izboru najpovoljnijeg ponuđača, broj :1050/19 od 08.11.2019. godine, dio Obavještenja ponuđačima o rezultatu postupka javne nabavke broj: 1051/19 od 08.11.2019. godine i dio Zapisnika o pregledu i ocjeni ponuda, broj: 10-7/19 od 07.11.2019. godine, a koji se odnose na nabavku lož ulja (lot-1), te nalaže Komisiji da izvrši ponovnu evaluaciju ponuda.**

Bosna i Hercegovina  
Federacija Bosne i Hercegovine

Kanton Sarajevo

Općina Hadžići

Javna ustanova Osnovna škola "9. maj"  
Pazarić



Bosnia and Herzegovina

Federation of Bosnia and Herzegovina


Canton Sarajevo

Municipality Hadžići

Public Institution Primary school "9. maj"  
Pazarić

Dio Odluke o izboru najpovoljnijeg ponuđača, broj: 1050/19 od 03.11.2019. godine, dio Obavještenja ponuđačima o rezultatu postupka javne nabavke, broj: 1051/19 od 08.11.2019. godine i dio Zapisnika o pregledu i ocjeni ponuda, broj: 10-7/19 od 07.11.2019. godine, koji se odnosi na nabavku peleta (lot-2), ostaje i dalje na snazi.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi putem ugovornog organa u roku od 5 (pet) dana od dana prijema ove odluke.



U ime Ugovornog organa:  
Predsjednik Školskog odbora

*Mehmedalija Salihović*  
Mehmedalija Salihović, prof.

Dostaviti:

1. Hifa-Petrol d.o.o. Sarajevo
2. Holdina d.o.o. Sarajevo
3. Komisija za javne nabavke
4. Arhiva.